



Synfocity = 985

mail us at : mzsinfo@gmail.com; mizoramsynod@gmail.com - Phone - 2314648

May 15, 2025

- ❑ **Synod Prison Ministry buatsaih Ex-Prison Inmates Follow up programme hman**
May 10, 2025 (Inrinni) khan Tuikual Presbyterian Kohhran Hall-ah Synod Prison Ministry buatsaihin Ex-Prison Inmates follow up programme vawi 5-na hman a ni a, Ex-Prison inmates mi 51 bakah Synod Prison Ministry thawktute leh mi engemaw zat an tel a ni.
Programme hi hun hniha hman a ni a, hun khatna hi Rev. Lalhleia, Director, Synod Prison Ministry-in a kaihrui a, Pastor Lallianmawia Pachuau, SPM committee member-in hunserh a hman a. Rev. Lalhleia, Director-in inhmehriattirna neiin rawngbawlina report tawi a pe bawk. Pu Lalngchinglova Hmar, Minister of State i/c LESDE-in thu a sawi a. Minister chuan Sam 42-na beh chhanin Sam ziaktu meuh pawh nun beidawnna leh lungngaihna a paltlang hnuah Pathianah beiseina a neih thar thu sawiin, ex-prison inmates te pawh Pathianah beiseina nghtat tlat tur leh kut themthiam takte an nih avangin hma lam pan zel turin a fuih a ni. Pu Lalramngchinglova, Founder, Khawngaihna In pawhin thu sawiin thla kaw chhung Central Jail-a a tan thu leh jail-a a luhpui loh Lal Isua Krista nen jail atanga an chhuah thu sawi a ni. Hun khatnaah hian Nl. J. Lalruatsangi, Sihphir a zai bawk.
Hun hnihna hi Pastor Lalhmuchhuaka, i/c Tuikual Bialin a kaihrui a, Tv. Lalrempuia, counsellor SPM-in hunserh a hman a. Pastor Malsawmtluanga, SPM Committee member leh Ex-Prison inmates mi pasarih te hnen atangin thusawi ngaihthlak a ni a, Nl. Laldusaki, Durtlang leh Nl. Lalrinmawii, Tuikual Branch KTP te an zai bawk.
Kum 2023 atang khan Synod Prison Ministry buatsaihin ex-prison inmates follow up programme hi kum tin vawi hnih hman thin a ni. Kum 2016 atang khan Synod Prison Ministry hian Jail-a rawngbawlina hi a kalpui tan a, thawktu Director pakhat leh Office Assistant (O/A) pakhat bakah Counsellor pakua an awm mek a ni.
- ❑ **Synod Finance Committee**
May 14-15, 2025 chhung hian J.M. Lloyd Hall, Synod Office-ah Synod Finance Committee vawi 154-na an thu a, member 52 an kal.
Meeting hi Synod Moderator, Rev. R.C. Lalnghakliana'n a kaihrui a, Rev. Dr. K. Lallawmzuala, Finance Officer-in Secretary report leh Finance report a pe. Report-ah hian Synod Finance Committee vawi 153-na thurel hrang hrang bawhzui a nih thu te, Synod Office leh Department hrang hrang leh Mission Field-te Audit hna tluang taka zawh fel a nih thu te, Bial leh Kohhran hrang hrangah Finance Campaign leh Account Training neih a nih thu te, May 22, 2025-ah Bial Treasurer-te puala training koh a nih thu te leh April 2024-March 2025 chhunga sum dinhmun te tarlan a ni.
Tun tumah hian thu ngaihtuah tur agenda panga chhawp chhuah a ni.
- ❑ **Pu Vanlalngaia, Kulikawn-in Hlimen Chuhvela a ram Synod kutah a hlan**
May 14, 2025 (Nilaini) khan Pu Vanlalngaia, Kulikawn a mi chuan Hlimen Chuhvela a ram bigha 7.5 a zau chu Synod kutah a hlan. Ram inhlanna hun hi Pu Vanlalngaia In Kulikawnah neih a ni a, Rev. Dr. Rosiamliana Tochhawng, Executive Secretary-in a kaihrui a, ram neitu Pu Vanlalngaia'n a ram chu Synod kuta hlan a duh chhan sawiin "Pathian hnenah 'ka kum min pawhsei sak hi tangkai takin min hman tir rawh' tiin ka phut ve thin a, chung zingah chuan kan thalai a sing tel teh meuh setana'n an taksa leh an thlarau tih hlum a, hremhmuna a hruai lut tur hi chhanchhuahna beihpui thlak a ngai tak takin ka hria a, kohhran hian hma la sela tih hi ka lo rilruk ve thin." tiin a sawi a ni.
Ram inhlanna lehkhah hian ram neitu Pu Vanlalngaia leh Rev. V.L. Luaia Hranleh, Senior Executive Secretary ten hming an ziaak a, hriatpuitu atan Rev. Dr. Rosiamliana Tochhawng, Synod Executive Secretary leh Upa K. Zoremthanga, Kulikawn ten hming an ziaak bawk. Chumi hnuah Pu Vanlalngaia chuan thlarau bo pahnih khat tal chhanchhuaha an lo awm theih nan tiin Rev. V.L. Luaia Hranleh, Senior Executive Secretary hnenah a hlan a ni. He hun hi Rev. Lalhleia, Director, Synod Prison Ministry-in a tawiawm bawk.
- ❑ **Presbyterian English School (PES)**
May 15-16, 2025 chhung hian North Vanlaiphai leh Cherhlun PES tlawhin Upa P.C. Vanlalhruaia, Supervisor of Schools a kal.

❑ **SL&PB**

May 18, 2025 (Pathianni) zan hian Ramhlun Vengthar Kohhran Literature Week hawnna hmanpui turin Rev. PB Zosapthara, Editor a kal ang.

❑ **Prison Ministry**

May 17-18, 2025 chung hian District Jail tlawh turin Prison Ministry Committee member-te hetiang hian an chhuak ang:

Lawngtlai District Jail : Rev. Lalhleia, Director; Rev. Benny Lalmawia leh Upa Chawngsailova

Siaha District Jail : Rev. Lallianmawia Pachuau, Rev. Malsawmtluanga leh Rev. TC Laltlanzova

❑ **MSSU**

May 17, 2025 (Inrinni) hian Sunday School zirtirtu training neihpui turin MSSU Trainer-te hetiang hian an chhuak ang.

Chhinga Veng South Kohhran : Upa Lalthanchhunga, Upa Zionparlawma leh Upa John Lalnunthara

Chanmari West Kohhran : Upa K. Zoremsanga, Upa C. Lalbiaksanga leh Upa Lalliantluanga

❑ **Synod Mission Board**

♦ **Nepal Mission Field**

May 10, 2025 (Inrinni) khan belhtu thar 10 an awm.

♦ **Calcutta Mission Field**

May 10, 2025 (Inrinni) khan belhtu thar paruk an awm a, ni 11 (Pathianni) khan belhtu thar 26 an awm bawk.

♦ **Jharkhand Mission Field**

May 11, 2025 (Pathianni) khan belhtu thar pakhat a awm a, kohhran pawl dang aţangin kan kohhranah mi 6 an rawn inpe bawk.

♦ **Karbi Anglong Mission Field**

May 11 leh 14, 2025 khan belhtu thar pakhat ve ve an awm a, kohhran pawl dang aţangin mi pali kan kohhranah an rawn inpe bawk.

♦ **Odisha Mission Field**

May 11, 2025 (Pathianni) khan belhtu thar pakhat a awm.

♦ **Patna Mission Field**

May 11, 2025 (Pathianni) khan belhtu thar pakhat a awm.

♦ **Arunachal & Assam Mission Field (West)**

May 11, 2025 (Pathianni) khan belhtu thar pakhat a awm.

♦ **Ramthar Campaign**

May 10-11, 2025 chung khan Khawhai North Kohhranah Ramthar Campaign neiin Rev. R. Lalmingsanga, Secretary, Synod Mission Board a kal.

❑ **Synod Relief Fund**

Tun hnaia harsatna hrang hrang tawkte hnenah Synod Relief Fund aţangin hetiang hian chhawmdawlina pek a ni.

S.No	Khua/Veng	Pek chhan	Chhungkaw zat	Pek zat
1.	Kawrtethawveng	Damlo	5	₹ 50,000/-
2.	Rengdil	Vanduaina tawk	1	₹ 20,000/-
3.	Bunghmun North	Damlo	2	₹ 20,000/-
4.	Zohmun	Damlo	2	₹ 20,000/-
5.	Vaitin Vengthar	Damlo	2	₹ 20,000/-
6.	Zonuam East	Leimin tuar	1	₹ 12,000/-
7.	Hlimen Damveng	Damlo	1	₹ 10,000/-
8.	Phullen	Damlo	1	₹ 10,000/-
9.	Zote	Damlo	1	₹ 10,000/-
10.	Zawngin	Damlo	1	₹ 10,000/-
11.	Tinghmun	Damlo	1	₹ 10,000/-
12.	Saitual Bethel	Damlo	1	₹ 10,000/-
13.	Daido	Damlo	1	₹ 10,000/-
			Belh khawm	₹ 2,12,000/-

❑ **FM Zoawi - Aizawl & Lunglei : Hruaina Eng Radio Programme**

May 16, 2025 (Zirtawpni) @ 7:30 p.m. :

Solo : Lalruatfela Pachau - Nun Thuruk

Zaipawl : Leitan Bial Zaipawl - Vanram mawiah

Thusawi : Upa K. Vanlalnghaka - Tleirawlte mizia leh enkawl dan

Solo : Joy Zairemmawia - Chu ram mawi chu

Zaipawl : Kahrawt Bial Zaipawl - Chanchin Tha

❑ **Hruaina Eng TV Programme**

15.5.2025 (Ningani) 08:30 pm : Thupui zir bing

16.5.2025 (Zirtawpni) 05:00 pm : Kristian Naupang Pual

17.5.2025 (Inrinni) 05:30 pm : Puitling Sunday School Zirlai

18.5.2025 (Pathianni) 08:00 am : Weekly round up

19.5.2025 (Thawhtanni) 08:30 pm : Hruaina Eng luang chhuak - Upa Dr. Lalremthanga

20.5.2025 (Thawhlelni) 06:00 pm : Nilai zan thupui

08:30 pm : Kohhran Chanchin - Republic Veng Kohhran

❑ **Moderator leh Executive Secretary-te Programme:**

Rev. R.C. Lalnghakliana : Moderator

May 16-18, 2025 Bairabi Presbytery thar hawn

May 20, 2025 SL&PB Programme (Chhun)

FG&CC Programme (Zan)

May 21, 2025 OM

May 22, 2025 Ramthar BEC

May 23, 2025 Synod Service Board

May 22-25, 2025 Missionary retreat

Rev. V.L. Luaia Hranleh : Senior Executive Secretary

May 16, 2025 Tumpui Pastor Quarters hawn

May 19, 2025 Champhai - Trust programme

May 21, 2025 OM

May 22 Bial Treasurer Training

May 23, 2025 Synod Service Board

Rev. Dr. K. Lallawmzuala : Executive Secretary

May 16, 2025 Women Hostel-a lut tur interview Board leh Hospital Enthatu Committee

May 16-18, 2025 Kulikawn West Kohhran Pavalai Pawl Retreat

May 19, 2025 Rescue Home Managing Committee

May 20, 2025 SL&PB Programme & Income tax sub-committee

May 21, 2025 OM

May 22, 2025 Bial Treasurer Training

May 23, 2025 Synod Service Board

Rev. Dr. Rosiamliana Tochhawng : Executive Secretary

May 16, 2025 Synod Hostel lut tur interview Board leh Music Cell Committee

May 18, 2025 Ramthar Veng Kohhran (Zan)

May 19, 2025 Synfo committee

May 21, 2025 OM

May 22, 2025 Ramthar BEC

May 23, 2025 Synod Service Board

May 22-25, 2025 Missionary retreat

